

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 6. Qui nunc gemino, aut semiferino, aliterúe monstroso sunt corpore,
siue boni, siue mali, quo modo sint resurrecturi?

[urn:nbn:de:hbz:466:1-51168](#)

congruentia, cum quadam coloris suavitate.
 Ubi autem non est partium congruentia, aut
 ideo quid offendit, quia prauum est; aut idē,
 quia parum; aut ideo quia nimium. Proin-
 de nulla erit deformitas, quam facit incongru-
 entia partium; ubi & quæ prauasunt, corri-
 gentur; & quod minus est, quam decet, unde
 Creator nouit, inde supplebitur: & quod plus
 est, quam decet, materia seruata integritate,
 detrahetur. Coloris porrò suauitas quanta
 erit, ubi iusti fulgebunt sicut sol in regno Patris
 sui? Benè igitur sperent boni; bene spe-
 rent parui, quia nullus in cælo erit Ioan-
 nellus; benè sperent pallidi, & pallidae,
 quia roseum colorem acquirent ibi, ubi
 omnia florebunt. Benè sperent macilenti,
 quia ibi, non erunt extenuati. Benè pin-
 gues, quia ibi, ubi iusti fulgebunt sicut sol,
 (nam de his hic agit S. Pater) nullus aqua-
 liculus propenso sequipede extabit; pro
 flamma Auernali seruiet adeps impiorum.

§. VI.

Qui nunc gemino, aut semiferino, aliterū
 monstroso sunt corpore, siue boni, siue mali,
 quo modo sint resurrecti?

Atq; ut curiosis omnino satisfiat, libet
 apponere, quæ D. Bonaventura, in eundē

D. Au-

S. Bonaventura. l. 4.
dist. 4.

D. Augustini locum scitè apposuit, vt, inter monstra, discrimen faceret: In aliquibus, inquit, membra gemina sunt. Ea verò vel principalia sunt membra, vel minus precipua. Si precipua membra gemina sunt, due etiam ibi animæ, atque ita duo corpora se in una resurgent. Si bina, aut plura, quæ tamen principatum in corpore non obtinent, unum corpus est, & unum resurget. In Hermaphroditis, quoniam utraq pars par esse in uno non posset, eo sexu resurget, qui in eo dominatur. Monstrum verò aliquando homo, partim bestia: tum si principales partes hominis sunt, animamq, & vitam habuerunt, resuscitabuntur, vt homo; secus, si bestiam representet. Quid ergo vult conqueri homo monstrus? aut enim est monstruosus ad salutem; & tum nihil eius resurrectioni obstat. monstrositas; sed erit ad breue tempus deformis, vt æternum sicut sol fulgeat: aut ita viuit, vt in ignem inextinguibilem sit projiciendus; & tum titioni nihil forma sua proderit; benè quadrabit deformitas longè maiore deformitate cooperienda, & aspicientibus alijs quoque tormentum aliam naturam. Ut enim in celo, sensus oculorum iucundissime Christi, Matris eius, & ceterorum

rorum beatorum hominum aspectu mirificè delectabitur; ita impudici damnatorū ac lascivi oculi, metuendis monstris intuendis, identidem terribilem in modum cruciabuntur. Monstra autem erunt, si non homines, saltem dæmones. Et dæmones quidem omnis generis formam expriment, in varias se belluas transuertendo, atque in eas præcipue, quarum quisque maximum sensurus est horrorem. Itaque inter tigrides & leones, inter angues & dracones æternū degent damnati. Qui si non erunt partim nani, partim gigantes, partim Æthiopes, partim gibbosī &c: tandem certè ipsi, heu, quibus oculis, quæ fronte, quanto oris hiatu, qua totius corporis contorsione, fuligine, atrore, lamentabuntur! Quanquam mihi valde verosimile videtur, sicut S. Damasceno restitutæ manus purpurei fili instar cicatrix mansit in hac vita, & sicut ipsi Christo rediuius quinq; velut carbunculi vulnerum quendam decorum conciliarunt; ita in diuersum damnatis quasdam notas maculasq; huius vitæ, adhæsus, eosq; etiam vitiorum suorum fructus, inter reliqua spectra, in corpore quoque seruaturos.

Itaque

608 Cap. XVII. Monstra in celo nulla;

Itaque in duellis quidem interemti suarum
plagarum signa; lilijs inusti, suæ castitatis
stigmata; lue Gallica exèsi, carcinomata;
vino & compotationibns incensi, cupreum
Venerisq; floribus fœdatum vultum; alij
alia retinebunt. In cælo autem nullus pa-
rens de filio monstroso erubescet; nulla
mater de filia Æthiopissa accutisabitur; nul-
lus Miphiboseth claudicabit. Omnia erunt
pulchra; omnes formosi; omnes perfecti:
nullus infans, nullus sapientia puer, nullus
canâætate, sed reuerentia & authoria-
tate senex; omnes in matura, florida, &
perfecta ætate Christo pares erunt.

2. Reg. 4.

6.

§. VII.

Quo modo Sancti, in mensuram atatis plenitudo
in Cœlo, sint resurrecturi?

Atque hoc est, quod Apostolus Ephesios monet, & cum illis nos omnes, qui
fortasse aliquo corporis defectu labora-
mus, ne deiiciamur, sed ut cum patientia
Ephes. 4. expectemus, donec occurramus omnes in uni-
tatem fidei, & agnitionis Filij Dei, in virum
perfectum, in mensuram atatis plenitudinis
Christi. Vbi tria docentur, staturæ scilicet,
membrorum, & ætatis perfectio. Hæc
enim omnia ad virum perfectum pertinent.

Etsq;